

2024

HMAR

(Modern Indian Language)

Full Marks : 100

Pass Marks : 33

Time : Three hours

UNIT – I (PROSE)

25 Marks

1. Hindu sakhaw zuituhai laia hnam hnuoihnung tak chu tuha'm an ni a? 1
2. A hnuoia indawnnahai hi thumal 20 vël sengin dawn rawh: 2×5=10
 - (a) Sieli hai ina mikhuol palai chu ieng thilin am a sukhmaimâwk hle a?
 - (b) Chulram fangtu'n raw lêra inkhai a hmuhai chu ziek rawh.
 - (c) Pi le puha'n 'inchawng' an ti chu ie'm a ni a?
 - (d) AIDS natna inkai thei dân kawng 2 (hni) ziek rawh.
 - (e) B. R. Ambedkar hi ieng hnama pieng am a ni a?
3. A hnuoia indawnnahai hi thumal 35 vël ve vein dawn rawh : 3×2=6
 - (a) Khuongpuitlur le Sieli kha ieng leia khawtlâng hril le rël an hlaw am a ni a?

P.T.O.

(b) "Tinkim ka dâwn chângin, umkhuo in suksâwt thei ngei el," ti hi, ieng leia Chulram fangtu lungvila hung inri veng veng am a ni a?

4. A hnuoia indawnnahai hi thumal 60 vêl ve vein dawn rawh : $4 \times 2 = 8$

(a) Dr. Lal Dena'n pi le puhai lo khawsakna Sinlung umna hmun ni ngei dinga a ring chu, a ringna san ziek rawh.

(b) Pi le pu huna khan ram tienga thangsuo hi intak dingin i ring am?

UNIT – II (POETRY)

25 Marks

5. In inchûklaia Kama Sungte hla phuok chu a thupui ie'm a ni a? 1

6. A hnuoia indawnnahai hi thumal 20 vêl sengin dawn rawh : $2 \times 5 = 10$

(a) L. Keivom-in, 'thaikâwi zietiel' a ti hin ie'm a'n kâwktir a?

(b) Thangngur-in Lalpa chu tuhai san dingin am a ko a?

(c) L. R. Fimate'n tar hnunga a hriet chieng chu ie'm a ni a?

(d) Lienrum-in Zion khawpuia tlansahaiin ie'm an sil niin a hril a?

(e) 'Ei nun thiem an sir ta rawng e,' ti hi, a umzie ziek rawh.

7. A hnuoia indawnnahai hi thumal 35 vêl ve vein dawn rawh : $3 \times 2 = 6$

(a) L. R. Fimate'n, 'Mawng thei lova lamlien hraw ding, tha hrât leia hnawt phâk ruol lo,' a ti hi, hril fie rawh.

- (b) Hla phuoktu Kama Sungte'n lunglêm hrim a nei thei nawna san ziek rawh.
8. A hnuoia indawnnahai hi thumal 60 vêl ve vein dawn rawh : 4×2=8
- (a) Lienrum-in Zion khawpui a ngai êm êm el hi a san ni dinga i ring ziek rawh.
- (b) Thangngur-in, 'An thim zo tah, khuo a var ta naw ie,' a tina san hi, ie'm ni dingin i ring a?

UNIT – III (READING)

10 Marks

9. A hnuoia thuziek hi ngûk takin tiem rawh :

Sân khuo a vul lai chun pi le puhai khawtlâng nun a'n sâng ta hle ni'ng a tih, Sai Hla mawi êm êm el an phuok a, chu chu 'Liendâng Hla' an tih. Liendâng chu a chin laia a nu'n a thisan, tlangvâl a tling hmaa a pa'n a thisan nâwk a nih. Rethei le rimsi taka khawsa a nih. Liendâng chu mi lunglêng thei tak a ni a. A hla phuoka inthawkin mi rethei le mi lunglêng thei a nizie ei hriet thei. Ama chu Hmar laia Sai Hla phuok hmasa tak ni hiel dingin ring a um. A ngaizâwng Khawltuo chun a thisan a, a lunglêng leiin ama hrietzingna lung a phun hiel niin an hril.

- I. A hnuoia thumalhai le umze inhnai, a chung a thuzieka inthawkin la suok rawh :

(a) Vântlâng nun 1

(b) Khawsâwt 1

II. A hnuoia indawna hi pakhat lem lem dawn rawh :

2

Liendâng chu ieng ang mi am a ni a?

Annawleh

Liendâng chu mi lunglêng thei a ni zie ieng tin am ei hriet thei a?

10. A hnuoia thuziek hi ngun takin tiem rawh :

Ringtuhai hi Pathien nauhai ei ni a. Pathien chun a naupa Isu Krista zârin ei bawsietna le ei suolna hai a ngaidam a. Pathiena inthawka ngaidamna dawngtu ei ni leiin, ei chung a thil suksuoltuhai chu ei ngaidam ve ding a nih. Bible chun, 'Pathienin Kristaa a ngaidam ang baw k cheuin inngaidam tuo ro,' tiin a mi'n chûktir. Mihriem hi ngaidamna nêka phuba la nuom dawp dawp lem ei nih. Sienkhawm, Pathien chun phuba hrim hrim la lo dingin a mi dit a, inngaidam tuo lem dingin a mi'n chûktir. Pathien ngaia chu phuba latu nêkin ngaidamtu chu a ropui lem. Mi'n ei chung a suol an thaw hai ei ngaidamna chun Pathien nau ei ni ti a suklang baw k. Nauhai chun an pahai an puo hlak; Pathien nau ei ni chun Pathienin ei suolhai a ngaidam ang bawkin ei chung a thil suksuoltuhai chu ei ngaidam ve ding a nih. Mi ei ngaidam thei naw chun Pathien nau ni thei naw'ng ei tih.

(a) A chung a thuzieka inthawkin thupui pawimaw zuol 3 (pathum) nêka tlâwm lo ziek rawh. 3

(b) Thupui pawimaw zuol i ziek dawkhai chu a Summary ziek rawh. 3

UNIT – IV (WRITING)

30 Marks

11. Students Union General Secretary i ni a. Inchûklaihai ta dinga Drugs Awareness Campaign in huoihawt ding thua inhriettirna, Notice ziek rawh. 3
12. Naupang Sunday School-a inthawk puitlinga sawn i ni huna i lungriila thil umhai, i Diary-a i ziek aꣳg chu ziek rawh. 3
13. Hun liem taa i chungá thil tlung i theinghil thei naw chu, thumal 65 vêlin ziek rawh. 4
14. Ruo tui tlâwm leia loneituha'n harsatna an tuok thu, News Report ziek rawh. 4
15. In khuoah natna hri a'n lêng leia Medical Team tirpêk dinga hnina, in District-a Chief Medical Officer kuomah application ziek dân kalhmang indik takin Application ziek rawh. 6

Annawleh,

Manipur buoinain i lekha inchûkna a sukbahla thu, i nu le pa kuomah lekthathawn narân ziek dân kalhmang indik takin lekthathawnin hril rawh.

16. A hnuoia thupui pakhat lem lem hi, thumal 200 vêlin Essay ziek rawh : 10

Mobile phone hi hmang thiem a pawimaw.

Annawleh,

Taimâkna hi hlawtlingna bul a nih.

UNIT – V (WRITING)

10 Marks

17. A hnuoia hai hi ziek dik rawh :

1×6=6

- (a) Pathinin a mi hmangei.
- (b) Tlânah mithi ei vuoi hlak.
- (c) 'Inhal inhal naw ro,' tia 'inhal inhal' hi double adverb a nih.
- (d) Hmol kha pot dok ro.
- (e) Tuola kanin hnel ding.
- (f) 'Saidan tâng' tia 'Saidan' hin Noun sin a thaw.

18. A hnuoia hai hi a'n dik tak thlang rawh :

1×4=4

A. Hmar hawrawp hi –

- (a) Lushai Script hmanga siem a nih.
- (b) Roman Script hmanga siem a nih.
- (c) English Script hmanga siem a nih.
- (d) Hmar Script hmanga siem a nih.

B. Hmar tawng ziekna dinga Consonant pathum inkawp ei hmang hlak chu—

(a) 'Thr' hi a nih.

(b) 'Chl' hi a nih.

(c) 'Thl' hi a nih.

(d) 'Ngh' hi a nih

C. 'A lien lien ka lo,' tia Double adjective 'lien lien' hin—

(a) Pahnî char a kâwk.

(b) Pakhat chau a kâwk.

(c) Pathum chie a kâwk.

(d) Pakhat nêka tam a kâwk.

D. Hmar Alphabet-a hawrawp um zât chu —

(a) 25 a nih.

(b) 26 a nih.

(c) 21 a nih.

(d) 19 a nih.